

異圖 春秋經中災異一 雲氣識圖一 陳占圖列讚一 帝王秘錄十又在 日月識
圖一 周髀三趙爽注 定天論三 星經流占二石氏撰 唐七曜符天曆一 七曜巡行一

七曜星彙別行法一卷

〔乾坤辨說序〕此篇者南蠻不留都我留國之人忠菴所編述也。忠菴者南蠻浮屠耶蘇之僧，其學精天文，略○中寬永廿年癸未，筑之前州大島之海上，卒然怪船漂蕩，大島成長，忽視執之，以狀聞焉。其人十有餘人，皆蠻僧，破天禮鬼利支端之徒也。筑前之太守源忠之公令士擒捉，寄之長崎奉行所，以達江武井上筑後守某字公。某字公下之於獄，不數歲皆自悔，非謝罪，改鬼利支端而為我民俗，破天禮長老有精天文者，乃以天文書進上井上筑後守某字公。二三年之後，某字公令忠菴譯之。譯功漸成，進上其書，即此篇也。蓋南蠻學家天文地理之說，悉載此書，其草稿猶在忠菴家，終篇譯以倭語書以蠻字，吾人雖博學之士，不能讀之，唯通辭西吉兵衛能讀蠻字，長崎奉行所置此書於西吉兵衛家，不敢許人之見，其命嚴矣。明曆丙申之冬，長崎奉行甲斐庄喜右衛尉楠正述公命僕及西氏倭書之，吉兵衛乃讀字，僕以倭字寫之，重命僕考辨此書，夫蠻學之為術，未曾知理氣陰陽惑五行之說，是故其教不道窮理盡性之間學，徒就形器之上以論之而已，是以天地之形體，日月之大小，運行之度數，晝夜之際限，雖稍詳，而形而上之義則晦盲不明，否塞不通，遂執形器之說，以為至矣，所以其為異端邪說者，職此之由也。孰云蠻學能解天文地理耶？今悉考辯以附各條文後，或其不誤者存而稱之，非敢為臆說以詰之，皆有所由也。凡所加考辨闢蠻學之非而已，至於乾坤正說，原自一家，不敢附於此云。吾人專學之士，更加討論條飾，以教後人，無蠻學之惑，不亦善矣。願忠菴蠻稿雖既脫機，未題而斃，今號曰乾坤辨說。

時明曆己亥九月望日

肥陽長崎向井玄松序

雜載

〔鎔造化育論中〕此圖者略○圖刻白爾鳩思祖述古人龐迪我刺私之地動說，且加自己之工夫而所製也，乃日輪者在大圓之正中，而大地及五星皆各牽其小星，以旋回其外圍也。又彗星其行環極橢圓偏長，